

docriver 文川网
入驻商家 古籍书城
在文川网搜索古籍书籍 获取更多电子书

中國方志叢書·華北地方·第二四六號

據 楊瑞霽修 霍光縉纂
民國二十一年抄本 影印

陝西 省

平民縣志



81/7195

成文出版社有限公司印行



10098699

中華民國五十八年 月壹一版

平民縣志

全一册

發行人：**黃 成 助**

台北郵政信箱二二六〇五號

出版者：**成文出版社有限公司**

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

平民縣志

docsriver 文川网
入驻商家 古籍书城

在文川网搜索古籍书城 获取更多电子书

壬申四月
校印

平民縣志序

縣之有志猶國之有史通例也平民縣治創設於民國十八年距今三載矣而文獻之徵尚付闕如覘國者欲求沿革損益之過程乃杳不可得此守土者之恥也二十年春瑞霆奉命忝長是邦爰晉邑紳而謀所以編輯之延霍小初先生光緒擔任纂修經營凡三閱月而觀厥成撰綱挈領計分輿地建置田賦官氏人物藝文災祥雜記八則然平民轄境貫大河兩岸西與朝邑昆連東與晉之永濟接壤而黃流轉折遷徙無定防治尤不容緩故又繼以河防灘地兩則合計共得十門此大致也夫百里不同風千里不同俗吾國數千年來因襲之舊說也今何時哉處三民五權政治原

則之下吾黨初次訓政方努力於新縣制之組織將以齊步驟一心志于人民以參加政權之機會期達全民政治之途徑向之號為官民人物今則義務公僕矣其責任為何如哉况值東鄰肆虐侵佔我遼吉我同胞國人方駭汗奔走求為一致對外之精誠團結則撫茲蕞爾彈丸將何以固吾圉而盡吾責緩急固自有在區區志乘云乎哉然治理攸關亦不敢不勉也校讐竣事將付剞劂謹識其緣起云爾二十年十二月署理平民縣縣長咸林楊瑞震序

平民縣志序

平民舊無志有之自霍君小初始小初與余交三十餘年矣歲乙未余從小初先大人受經於饒益之故宅而小初亦授余侄于峻讀時時過從樂數晨夕小初時方弱冠善文章喜談經濟每於雪夜圍爐酒酣耳熱之際輒上下千古娓娓而談余談之忘倦徃徃不知東方之既白也旋先師棄世小初遠遊楚北余亦家北於河跋涉秦豫不遑寧處自此不通音問者垂三十年至丙寅歲余攜家自豫返里羈留蒲關訪小初於家見其鬚髮皓白而余亦兩鬢星星矣回憶當年恍然一夢而朝夕往還無異在饒益時也今年春隨楊君瑞霆來蒞是邑余與瑞霆亦舊交下車之後百廢俱興

而以邑乘屬之小初嗜瑞寔此舉可謂得人矣非其平日嫻於政
治關心民瘼何能賞識之不謬如是耶茲閱小初之志見其志與
地建置也如茅屋數椽於尺幅中現錯落之致志官氏人物也如
晨星幾個於疎落中見點綴之奇志河防灘地也則千百年建築
之得失交涉之傷損無不原原本本明白如數家珍焉志田賦災
祥也則大聲疾呼為民請命所謂仁人之言其利溥也至於藝文
雜記二門亦皆檢擇精審胥有關於地方利害掌故而斷非率爾
操觚者所可同日語也噫平民小邑也亦鄙邑也本無足志而瑞
寔倡之小初志之平民從此有志矣且以歎小初之善文章喜經
濟瑞寔之嫻政治心民瘼皆相需而成此一代之文獻也因為序

其崖畧如此辛未涂月朝坂鳴軒趙濤序

序

三

目 录

3

平民縣志序

清光緒三十一年余從貽靄大將軍師遊濫厠於綏遠城將軍幕府時將軍擬修綏遠及土默特兩志聘寧河高曦亭先生為總纂高亦余師方主講廣平書院使者相屬於道函電交馳高未肯來最後余修一書勸駕內有將軍之再三敦促是為志計非為吾師計之說而高師果至至綏後不三月而志成猶憶當至綏時余適于役寧遠師示以詩云季子約我來我來季已去可笑當官人行踪等飄絮灑灑百餘韻以相戒勉維時家少珊兄亦在綏所以呼余為季也越十餘載至民國九年庚申余自大同歸里其時邑紳徐少南霍幼梅均在縣辦民團浼余勸辦團務邑宰趙元丞者亦

之名流也經文緯武幾於百廢俱舉延余勦理政務而以修志事河南蘿山昇之霍幼梅先生幼梅堅不肯擔任經余多方勸勉始允同其九弟竹汀分任之厥後輾轉相遞此志始修於霍氏昆仲卒成於張君復初即今之朝邑縣志屬稿已定尚未付梓者也又越十餘載至民國二十年余司法平民適華縣楊瑞震先生來宰是邑相與談及政務以縣屬新設不可無志此志之修名之曰修實則創立余則薦霍君小初為纂修小初宏通博雅冲夷高簡其學問之淵深人品之峻潔在今日已成鳳毛麟角矣以之修志勝任愉快而縣長以平民司法事簡詞訟無多亦澆余勦助小初協修余雖樂成其事僅有協修之名其實此志乃小初之一筆成之

也所幸者余遊塞外勸高師修志而綏志成在本縣勸霍氏昆仲
修志而邑志成至平民介紹霍小初於楊縣長志修而平民志又
成余足跡所至每遇修志事輒喜聳勸之而諸君子者皆能納余
言遂以成一地方之典章文獻垂之不朽而後先輝映也豈不懿
歟是為序辛未十二月承審員朝邑楚材喬桐蔭

2014年12月

平民縣志序

志猶史也周禮小史掌邦國之志變文言志豈史外別有志歟粵稽古志如闕駟十三州志元和郡縣志華陽國志括地志大同志及宋之吳郡元豐九域景定建康咸淳臨安清一統諸志志之名不可枚舉矣即以吾陝而論若康對山之志武功王漢陂之志鄠呂涇野之志高陵韓五泉之志朝邑喬三石之志耀以及富平則孫立亭志之郿則劉九經志之華則張光孝志之莫不事覈文簡彪炳千秋後有作者難乎繼已歲辛未邑侯楊公奉命蒞平甫下車諸事未遑即以邑志相屬余惟邑志與國史相表裏非兼才學識三長斷難勝任而愉快余不類賦性椎魯孤陋寡聞矧敢自附

作者之林且平民設縣僅朝邑之一區黃河宅其中戶口凋敝撫
茫茫之廣野為問有千歲競秀萬壑爭流山巍然以高水淵然以
深者乎曰無有也為問有車轂擊人肩摩呵氣成雲揮汗如雨者
乎曰無有也為問有名齊韓杜績邁龔黃鄭公名鄉鳴珂著里者
乎曰無有也為問有羽毛齒革珠玉錦繡誇天府之富有扶芑苻
之菁華者乎曰亦無有也惟是黃茅白葦彌望無涯巨浪洪波跳
沫靡既以此言志志亦奚為不知河流遷徙滄海變為桑田政府
提倡窮荒亦臻庶富公首及此於以勤樹藝課農桑重牧畜倡林
業彰往察來懲前毖後將見野無曠土邑無游民興教養而正人
心安見數千頃平沙無垠之地不化為異日人文繁富之區哉是

docsriver 文川网
入驻商家 古籍书城

在文川网搜索古籍书城 获取更多电子书

殆上峰設縣徵志之微意也興念及此義不得以不文辭爰記憶
舊聞披覽往籍條舉義例編纂成帙猶望後之君子繼而正焉歲
在重光協治嘉平之月蒲闕霍光縉序

創修平民縣志姓氏

鑒定

現

主修

前

纂修

文

協修

承

勳理

平民縣

署

任

委

縣

縣

會

會

長都德綬

長揚瑞寔

長霍光縉

審喬桐蔭

創修姓氏

教

育

局

局

長楊拱北

財

政

局

局

長張振聲

公

安

局

局

長劉斐然

第

一

科

主

任雷紹先

第

二

科

主

任任萬青

商

務

會

會

長雷世傑

商

務

會

副

會

長楊階平

采訪

第

一

區

區

長郝希賢

王化鈞

第

二

區

區

長李漢卿

第

三

區

區

長董遜初

第

四

區

區

長東啟明

閻韡卿

第

五

區

區

長孟仰三

郭俊亭

李傑

戶民系志

創修姓氏

二

上
心
集
三

平民縣志

凡例

一志者記也記此一邑之事也有若輿地之廣袤賦役之升除學校祠祀之建修職官公署之增省風俗物產今古不同軼事災祥傳聞互異以至忠孝節烈微顯闡幽文記詩歌紀事詠物莫不詳稽而備載焉凡以資治理通古今廣教化美風俗也而必賴賢有司培養而作新之於以希風隆古無難矣

一諸志門類較繁蓋他邑地廣物博非多立條目不足以盡事物物之變也是編約為十門各以類相附若網在綱庶閱者開卷瞭如

一河防灘地二門諸志無之惟時齋朝邑志列及河防然亦未實
言其防之之法灘地則自大河西徙至今為秦晉交涉之一大
問題上峰設縣意在於斯故不得不列為專門以俟有志者之
竟成焉

一向來修志人物列女判然兩途五泉朝邑志附列女於人物其
志因之時齋所謂女有士行亦人物也况士尚多有愧於女者
手茲編仍之亦猶先民之矩矱之



一志乘之載人物列女原以正人心端風化尤宜核實以昭慎重
其或瑕瑜互見難稱完璧年例雖符未嫻閩範一經節取動招
人之指摘者均未敢率爾收入然遐陬鄙壤見聞難周亦有據

采訪纂人者總之明有耳目幽有鬼神知我罪我在所不計

一縣係朝邑分設畧及華城故凡各門事實皆以朝邑志為主其

鄰縣志乘故老舊聞有關本邑掌故者亦備記之以資考鏡

一邑僻事創苦乏資料兼之文獻無徵編纂良非易易余以衰朽

之年謬膺纂輯之任簡陋無文誚奚容辭但志以翔實為

簡毋濫寧闕毋謊稍自信焉至於搜遺證謬故以俟後

者



凡例

二

上 四 禮 記

平民縣志目錄

輿地志

建置志

田賦志

河防志

灘地志

官氏志

人物志

藝文志

災祥志

平民縣志

目錄

三
目
示

雜記志

docsriver 文川网
入驻商家 古籍书城

在文川网搜索古籍书城 获取更多电子书

平民縣志卷之一

邑人霍光縉撰次

輿地志

在天成象在地成形畫野分疆形勢尚已若夫彈丸小邑置之
大地不啻太倉之稊米耳使不正其經界則南朔東西何以按
圖而可索乎况欲標形勝核道里指關津之夷險著村社之殷
盈以及風土人情又將何所置問耶志輿地

星野

朝志以未為鶉首自井九度至柳三度屬秦分雍州邑居秦最
東與晉接境當在鶉首之初東井之九度也然地鄰蒲坂不啻

蒲城之西關則分野宜從永濟不知平民本朝邑東鄉從朝分野不亦宜乎

疆域

東至山西永濟縣界二里

西至朝邑縣界二十里

南至華陰縣界四十里

北至郃陽縣界五十五里

東西廣二十二里南北袤九十五里

西至省城三百里

志者曰邑之封域絕長補短不為小矣乃河流氾濫其中以致